

الرشاد

مسرح

والله يهدي من يشاء الى صراط مستقيم دینی ، علمی ، ادبی ، سیاسی ہفتہ لقی مجموعۂ اسلامیہ در اتبعون اهدکم سبیل الرشاد

صاحب و مدیر مسئول : ع . اشرف اویب

بزي صيقيشديرسه ، باب عالي بي تضيق ايدمك اولسه اونلر بزه ديه جكركه : سز كندی حسابكزي كورك ، بز كندی كندی مداخله واداره ايدرز .

چونكه اسلحه ايسته ميورلر . ارزاق ايسته ميورلر . ذاتاً بزم اهل اسلام ايچون سلاحك لزومي يوق ، بن بواعثاده يم . دشمنلر فابريقه لر يايورلر ، سلاحلر حاضر لايورلر ، اوكرزه كلنجه اورور آليرز . نته كم ايسته آليورلر . بوكون طرابلسده النان اسلحه ومهمات بزم ايچون كافي ووافي در . بوكون النان فشنگلر برسنه محاربه يه كفایت ايدر . بزم قوت قوت ايمان در . ان شاء الله بونلري تفصيلاتيله بربرر ايضاح ايدمك . [مابعدی اوج بو قدر دها وار]

شيوه

طرابلس غرب :

شيخ سنوسي حضرتك معروضاني . -- (نويه فراه بره سته)

غزته سنك موثوقاً استخباراته نظراً شيخ سنوسي حضرتلري شباطك يكرى طقوزنده باب عالي يه معلومات معروضات آتیه ده بولمشدرد : « دول معظمه نك دول عثمانیه يي صلحه اجبار ايچون يکيدن تشبثاده بولندقلرينه دأثر بعض خبرلر آلدن طرابلس و برقه قطع لرندكي مجاهدینك عددی و لوازم حربيه سی ايتاليانلرک ابدی بر صورتده داخله ايلرلرينه مانع اولمغه كافي بولنديقي نزد عاجزیده محقق اولديغندن و عموم آفریقای جنوبی اسلامك شرف و ناموسنی مدافعه ايچون قانلرينك صوك دامله سنی اسالیه عهد و پیمان ایلش اولدقلرندن هیچ بر وجهه صلح تشبثاته اهمیت ویرله مسی معروضدر . »

شيخ سنوسي حضرتك معروضاني . -- سيد شيخ سنوسي حضرتلرينه برنجی رتبه دن بر قطع نشان عالي عثمانی و بر مرصع قلنج و ظريف قيمتدار بر سجاده ايله بر مرصع ساعتك نام هايونه اوله رق انور بك واسطه سيله اعطاسی حقنده اراده سنیه حضرت پادشاهی شرفصادر اولمشدر .

يمن :

ضویانی قیبر سنك مغربیت و عرصه مطارعی . -- یمن قوای عمومی قوماندانی عزت پاشا طرفندن حربیه نظارتیه کشیده ایدیلن بر تلغرافنامه ده امام یحي حضرتلرينك منسوبیندن سیف الاسلام محمد هادینك، ضحیانی قبیله سی اوزرنده بیوک بر غالبیت احراز ایلدیکی بیایدیرلمکده در . ضحیانی قبیله سی (باملیلر) موقعنه چکیله رك عرض مطاوعته مجبور قالمشدر .

بوضعیاتی قبیله سنك رئیس ابوقاسم الضحیانی امام یحي نك مخالفی در . اوتنه دنبری زیدیلکك عمومی امامتی اله ایتك ایچون چالیشمش . حتی بر چوق دفعه لرامام یحي ايله مصادمه ایتمشدر .

ادریسی نك هزیمتی . -- ایتالیانلردن استعانه صورتیه مقام خلافت اسلامی و سلطنت عثمانیه علیه حرکت جرات ایتکله بتون عالم اسلامك نفرتینه بحق مظهر اولمش اولان ادریسی بو دفعه بر مقهوریت شدیدیه اوغرادلمشدر . معلوم اولدیقی اوزره بو خائن دولتلك ایتالیا ايله حربده بولمشدن ،

بحر احمره یکیدن سوقیات عسکریه اجراسنده ، دونما اعزامنده معذور اولمشدن بالاستفاده دشمن دیندن آلدیقی اسلحه و جیخانه قوتیه عسیر قطع ه سنده بولنان قوه عسکریه مری تضیق امل خائنه سنده بولمش فقط قهرمان عسکرلریمك و اونلره التحاق ایدن حیتمند اهاالینك مدافعه دلیرانه لريله فائل امل اوله مامش ، مرقومك ایتالیانلره متحداً حرکت کبی بر ذنات شنیعیی ارتکاب ایلشدن يك زیاده منفعل اولان یمن زیدی امامی یحي بن حیدالدین حضرتلری ده بو خائنی قهر و تدمیرده عساكر عثمانیه یه معاونت ایتك اوزره بر قوه کافیه اعزام ایتمش ایدی .

ایشته بو قوت اخیراً عسیره مواصلت و قوه عسکریه عثمانیه ايله برلشمش اولمغه ترتیبات مقتضیه بالاجرا (حصاویه) موقعنده تأسیس قرارگاه اولندیقی صره ده ادريس کيفيتدن خبردار اوله رق کویا قوه عظیمه یی اولدیقی نقطه ده باصديره رق فنا حالد بوزمق فکر سقیم و فاسدیله طقوز بيك شقیدن مرکب اولان چته سی افرادی بردن بره اوزرلرينه کوندرمش و ناکهانی بر هجوم اجرا ایتدیرمشدر . یدی ساعت دوام ایدن محاربه خوزیرانه دن صوکره كرك عساكر عثمانیه نك و كرك امام یحي حضرتلری طرفندن کوندریلن قوه معاونه نك حملات شیرانه و دلیرانه سته تاب آور مقاومت اوله میان ادريس خونه فسدسی منزماً و مقهوراً طاغلمشدر . رومی شياطك اون بشنچی کونی وقوع بولان بومصادمه ادريس عونهنك بر دها یرلرندن قیردامه یه حق صورتمده اضمحلالی موجب اولمشدر .

مصر لیلر - ایتالیانلر :

مصرده نظاهرات و ظیور رانه . -- قاهره ده منتشر یومی (المؤید) غزته سنده او قوندیغنه کوره قاهره ده بر ایتالیان سوسیه ته سی طرفندن (اهراملر) قربنده کان برهوتلده ، ایتالیانجه بر قونسر و مسامره ترتیبی متصور ایتمش . ایتالیانلرک طرابلس غرب مسلمانلری حقنده روا کوردکلری معاملات وحشیانه لرندن متنفر اولان عثمانی مصر لیلر مذکور مسامره نك ایتالیان لسانیه ترتیب اولمنی علیهنده پروتستو ایتمشدر . مذکور غزته نك مطالعات موشکافانه سته باقیلیرسه بو حرکت ناجحانك ایتالیانلر طرفندن اختیار اولمنی کیفیت ، مصر مسلمانلرینك حسیات دیندارانه و انسانیتکارانه لرینی تحریک و تحذیش مقصدینه منی در .

§ عین زمانده (اسکندریه) ده بولنان ایتالیانلر ، بنغازی وجوارنده بولنان ایتالیان همیلرینه صورت خفیه ده بیهجك و ایچهجك تدارك و ارسال ایتدکلری حالد حکومت مصریه طرفندن ممانعت اولنماق صورتیه قواعد بیطرفی نك اخلاص ایدلمکده اولدیغنی (المؤید) غزته سی یازیور .

§ یته مذکور غزته نك بیاناته کوره عثمانی - ایتالیا محاربه سنك ابتداسندن بو آنه قدر طرابلس غرب مجاهدلری نامنه مصر حیمه مندانی طرفندن درج اولنان اعاناتك مقدار یکونی اون بيك بشیوز اوتوز بش مصر لیراسنه بالغ اولمشدر .

§ بنغازی وجوارنده ایتالیانلره محاربه ایتکده اولان عموم قوای عثمانیه قوماندان غیوری انور بك افندی طرفندن قاهره ده تشکل ایدن (هلال احمر) هیئتلری رئیس (المؤید) غزته سی صاحب عالیسی (شیخ علی یوسف) افندی حضرتلرينه بر مکتوب یازیلوب ، هممات متوالیه خدا پسندانه سته قارشو صمیمی بر صورتده تشکر اولمشدر .

مالکزه ، جانکزه بو محاربهده خلافت معظمه به معاونتده بولمغه ، طرابلس غربده کی مجاهد قرده شلریکزه یاردم ایتمه ، شو ظالم ، باغی ایتالیا نلرله معاملات تجاریه کزی ، ایچکزه ، مملکتلریکزه بولنان ایتالیا نلرله مناسباتکزی قطع ایتمه سزلی دعوت ایدیورز. بورجامزی بتون اخوان دینزه بیلدیرمکزی ، تقدیم ایلدیکمز نسخه لری جوامع و مساجد دهده اوقومکزی ، مناسب کوره جککمز وسائط ایلر نشر و تعمیم ایلکزی استرحام ایلرز. برده شوراسی معلومکمز اولسون که بودعوتنامه مز عالم اسلامک هر طرفه کوندیرلشد. هان جناب حق سزله طریق صوابی الهام و بو فریضه دینییه ادا ایلکمز دن طولانی اجر جزیل احسان بیورسون .

هندستان :

فهرست مسلمانلرینک مسیانی. — بو هفته طرفنده هندستان دن آلدیمز غزته لرده مطالعه اولوندیغنه نظراً بومبای ، مندارس ، حیدر آباد دکن ، دهلی ، امرتسر جمعیات اسلامییه سی ایتالیا نلرک طرابلس غربله بنغازی ده اجرا ایتمکه اولدقلری حرکات خونخوارانه و وحشیانه لری هند حکومتی واسطه سیله انکلتزه دولتی نزدنده یکیدن پروتستو ایتمه قرار و برمشلردر . دیناً و معنأ طوغریدن طوغریه مقام معلاى خلافتیه مربوط بولنان هندستان اهالی اسلامییه سی وسیله دوشدکجه عثمانیلره قارشوده اظهار صداقت و اخلاص ایتکی وجیهه عد ایلدکرندن طولانی ، عموم عثمانیلر طرفندن حسیات خالصانه لرینه مقابل ثنا و تشکر ایتک وظیفه نظیفه سنی درعهده ایتمکه غزته مز مباحی در .

انکلتزه قرالی و قرالیچه سی حضراتنک هندستانه وقوع بولان سیاحت و زیارتلری اتناسنده هندلی قارده شلرمزدن ایتالیا نلرک تجاوزات غدارانه لری حقنده دفعاتله قراله مراجعت ایدلمشیدی . قرال حضرتلری بو بابده کندیلرینی تطیب و تطمین خاطر ایتمش ایلروده دولت علیه نک لهنده اولق اوزره تشبثات مهمهده بولنه جغنی کندیلرینه وعد ایلشیدی . ایتالیا نلرک حرکات خود سرانه و باغیانلرندن بیزار اولان هند مسلمانلری ، ایتالیا امتعه و تجارتنه قارشو بوقوتاز اعلان ایتشلردی . یوکره مذکور بوقوتازک ابدی ودائی بر صورتده اجرایی خصوصنه هند بت پرستلرله مسلمانلری بیننده ائتلاف حاصل اولدیغنی هندستان غزته لری یازیور .

هندستانک (لاهور) شهرنده انتشار ایدن یومی (پیسه اخبار) غزته سنک تدقیقات عمیقہ سی نتیجه سنده بو آنقدر عموم هندستانده کی بوقوتاز یوزندن ایتالیا امتعه و تجارتنه واراولان ضرر و زیانک مقداری ایکی میلیون انکایز لیراسی تخمین اولدینی آکلاشلشد .

هندستانده ایتالیا نلرله قارشو حاصل اولان حس نفرت و اشمزاز عمومه سرایت ایتش و بت پرستلرله مسلمانلر آره سنده بونقطه ده اتحاد و اتفاق تام حصوله ککلشد .

§ (المؤید) غزته سی طرفندن طرابلسله بنغازی به صورت مخصوصه اعزام اولنان مخابرلر ، قوای عثمانیه ایلر مجاهدین اسلامییه نک ایتالیا نلرله قارشو طاقتمش اولدقلری وضعیت قهرمانیه کی کونی کونه مصریلره تبشیر ایللری اوزرینه ، عموم مصریلرک فوق العاده بر صورتده سرور و تسلیلرینی موجب اولمشدر . بونک اوزرینه طرابلس و بنغازی ده بولنان هلال احمر خسته خانه لرینه لزومی قدر آلات و ادواتک مصردن ارسالی تقرر ایتمشدر .

§ طرابلسله بنغازی اردوگاهلرینه کرک موظف و کرک کوکلو اوله رق طبیب خاطرلریله التحاق ایدن مصرلی ضابطلرک میدان حربده کوسترمش اولدقلری بسالت و شجاعتلرینه مکافاة عثمانلی حربیه نظارتی طرفندن رتبه لرینک ترفیعه له معیناتلرینک نزییدی خصوصنده کوستریلان نوازشات عموم مطبوعات مصریه جه تحسین و تشکرله تلقی اولمشدر .

آلمانیا :

عموم مسلمانلرله یاننام . — آلمانیا ده مقیم مسلمانلر طرفندن بالعموم اخوان دینه خطاباً تسطیر اولنان عربجه بیاننامه نک ترجمه سیدر :

بسم الله الرحمن الرحيم

بزه نعمت اسلامی عنایت و احسان بیوران ذات اجل و اعلايه حمد و ثنا خیرالانام اولان پیغمبرمز افندمز حضرتلرینه دخی صلوة و سلامزی اهدا و بالعموم اخوان دینزه تحیاتمزی انبا و حقلمنده هدایت الهیه خاتمیه نی نیاز و حسن و تضرع ایلدکدن صوکره کافه اخوان دینزه بیان ایلرزه که :

معلومکمز اولدینی اوزره صاحب مقام خلافت عظمی و خادم الحرمین الشرفین اولان دولت عثمانیه به قارشو ایتالیا حکومت ظالمه سی اظهارینی وعدوان ایلیرک آفریقاده کائن و مصره هم حدود بولنان طرابلس غرب ولایتنه هجوم ایلدی . « وان هذه امه واحده » آیت کریمیه بالعموم مسلمانلرک امت واحده و « انما المؤمنون اخوة » نص جلیلی ایلدهده جمله سنک قرده ش بولندقلری ثابت و بونلرک « المؤمن للمؤمن کالبنیان المرصوص یشد بعضه بعضاً » حدیث شریفنک دلاتیه یکدیگرلرینه معاونتلی واجبدر .

واجب تعالی و تقدس حضرتلری « من اعتدی علیکم . . . الخ » آیت کریمیه بزه تعدی ایدنلره بزه مقابله بالمثلده بولنما مزی فرمان بیورمشدر . بناء علیه اللهه ، یوم آخرته ، ملائکه کیه ، کتب منزله کیه ، انبیای کرامه ایمان و اعتقاد ایدن هر مسلم و مسلمیه ، اخوان دینزه سل سیف عدوان ایدن دشمنه مالا و بدنأ قارشو قویمق « وجاهدوا » فرمان ربانیسی موجبنه بر وجیهه در . عجباً دین قرده شلریمزه ظلماً هجوم ایدن ایتالیا کی بر دشمنه قارشو طورمقدن بیوک بر مجاهده ، رضای باری بی تحصیل ایچون بوندن بیوک بروسیله تصور اولنه بیلیرمی؟ ایشه بوکا بناء بزه ای اخوان دین ، اقتدار و استطاعتکمز نسبتنده

صومطرا و جاوا :

جاوا و صومطرا آطه‌لری اهالی اسلامی‌سی نامنه اعانات کلیه درج اولمغه باشلامشدر . غرب مجاهدین اسلامی‌سی نامنه اعانات کلیه درج اولمغه باشلامشدر . اعانات مذکوره قوم‌سیونی ریاستنده تبعه دولت عثمانیه‌دن و حضرموت سادات و اشرافدن اولوب اوراده متمکن بولنان سید حبیب‌الرحمان افندی حضرتلری تعیین اولمشدر . اعانات مذکوره‌دن بشقه مجاهدین اسلامی‌یه یابراق، سیغاردلرینک ده کوندرلمسی تقرر ایتمشدر .

جنوبی آفریقا :

اخیراً جنوبی آفریقاده انکلترونک (نانال) مستملکاتنده کائن دوربان شهرنده کی مسلمانلر طرفندن غایت معظم و محترم بر متینغ عقد اولمشدر . بو متینغ حقنده دوربانده کی هلال احمر اعانه جمعیتی رئیس داود محمد و عثمان احمد افندیلر طرفندن حریبه نظارت جلیله‌سنه ۸ شباط ۱۹۱۲ تاریخی عریضه ایله بیان معلومات اولمشدر .

بومتینغده بولونانلر طرفندن عموم نانال مسلمانلری نامنه ، ایتالیانلرک بحر احمر و کعبه علیا جوارنده طولاشه‌رق اسلاملرک حسیات دینه‌سنی رحیمده ایتلرندن طولایی انکلترونک خارجیه نظارتنه باتلغراف شکایت ایدلدیکی کی ، مقام صدارت عظمایه بر تلغرافنامه کشیده ایدیلرک موفقیات عثمانیه‌دن طولایی‌ده عرض تبریکات ایدلمشدر .

ایران :

ایرانک قانی کوندری . — ایران جنوبی احوالی بر درجه‌یه قدر کسب صلاح ایلش کی کورونیور . انکلترونک طرفدار ی بولنان (قوام زاده) نک شیراز — فارس ایالتی فرمانفرمالغنه تعیین اولمسی صورتیه او جوارلرده آسایش و سکون رونما اولمغه باشلامشدر . قوام زاده اوتهدن برو ایران مشروطیتی علمیداری اولمغه مشهوردر . اسکی دورده تغلب و استبداد یوزندن میلیونر اولان بو طائفه‌نک رئیس بویوک قوام‌الدوله ایران انقلابی اثناسنده، ایران احرارندن (نعمه‌الله) بروجردی طرفندن قورشونله اتلاف ایدلمشیدی . ایران جنوبی بوللرنده آمد شد ایدن کاروانلره قارشو وقوع بولان بوتون یغما کرلکر قوام زاده‌لرک طرفدارانی اولان قبائل طرفندن ترتیب ایدلمکده ایدی . انکلیز تجارنک ضرر و زیانلری تشکیل ایدن احوال مذکوره اخیراً انکلیزک تشبثات فعلیه‌ده بولملری انتاج ایلدی . شویله که هندستاندن ایکی یوز نفر سوارینک ایران جنوبی‌یه اعزامی اخیراً قرارلشدی . ولایات جنوبیه‌نک آسایشیله حیدودلرک هجمات متوالیه‌سنه معروض قالان قوافلک سر بستجه سیر و سفر ایتلری تأمین ایچون (نظام السلطنه) صلاحیت فوق‌العاده ایله حکومت محلیه طرفندن شیرازه اعزام و تعیین اولندی . والی مشارالیه قوام زاده‌لرک وجودینی کندی اجرا آتیه مانع کورمسی اوزرینه ناکهانی بر صورتده توقیف‌لری جهتی التزام ایتش وانکلترونک حکومتک شیرازده کی قونسلوسنک مداخله‌سی نتیجه‌سنده اوروپایه تبعیدلری تقرر ایلشدی . اثنای راهده ایکی قارده‌شلردن بری اشقیا طرفندن اتلاف ایدلمسی اوزرینه کوچوک قارده‌ش فرار ایدوب شیرازه

مواصلت ایتدکدن صکره انکلترونک قونسلولاتوسنه التجا و دخالت ایلکه موفق اولمشدر . انکلترونک مایل اولان بو آدم اک صکره عموم شیراز ایله حوالیسنه والی عمومی تعیین ایدلمشدر .

(ایران شمالی) نک اک مهم ایالتلرندن معدود اولان (آذربایجان) احوالنک کسب سکون ایلشی ، روسلرک حرکات درشتانه‌لرندن منیعت اولمشدر . روسلر ، تبریزده ایستدکلری کی طاورانوب ، کندی آمال و احتراصلرینه مقاومت ایدن و یاخود آتیا قارشو کله ییله‌جک هر متفکری آصدیلر ، کسدیلر . ایپدن ، قازیقندن کوچ حال ایله تخلص کریبان ایدمیلن زواللیر ایه اخیراً حدود عثمانیه‌یه التجا ایتک صورتیه تخلص کریبانه موفق اولدیلر .

آذربایجان اداره اموری کرکی کی الیوم روسلر اندددر . کندی طرفدارلری والیکه والی معاونلکته تعیین ایدوب انلر واسطه‌سیله زواللی اهالی‌نی آرزولری وجهله استیصال ایدیورلر . بو آنه قدر روسیه‌نک تیغ قهرینه دوچار اولوب مونه محکوم اولان اشخاصک عددی ایکی یوزی تجاوز ایتشدر . عین زمانده اهالی محلیه‌نک سلاحلری‌ده روسیه عساکری طرفندن — هر احتمال قارشو — تجرید ایدلدی . مکاتب ، مدارس ، جوامع کاملاً قیاتدیلر . تبریزده بر قاج ای اول یومی بر قاج غزته انتشار ایتدکی حالده ، الیوم بر تک غزته بیله نشر ایدلمکده‌در . اهالی‌یه خارجدن ورود ایدن و اهالی طرفندن خارجه کوندریلن مکاتب و محرراتک جمله‌سی روس مأمورلری طرفندن صیقی صورتده قوتورول ایدیلور . عین زمانده ایران مشروطیتنه فعلاً ضربه اورمق استیان محمد علی ایله سالارالدوله‌یه ایران حکومتدن ایجاب ایدن تخصیصاتی‌ده روسیه قویارمغه موفق اولدی . شیمدیلک ایران یوز بیک لیرا اقراضاتده بولمق صورتیه ایرانک حیات مادیه‌سنی تحت انحصاره المق ایستیان روسیه وانکلترونک دولتری ویرمچکاری باره‌نک محمل صرفی دهها شیمیدین حاضرلامشدر . ایران عساکرینه قوماند ایدجک اولان روس ضابطلرینک کیسه‌لرینه کیره‌جک اولان بوباره اخق ایکی آی قدر استهلاک ایدیلجک وعقیندده روسیه وانکلترونک دولتری طرفندن آرقه‌سی یتشدر ییله‌جکدر .

کیت کیده ایران بوج آتیه کیره‌جک وقارشولق اولق اوزره بوتون منابع ثروتی [یکی مسافرلر] ترک ایتکه مضطر قاله‌جقدر . قوای مادیه و عسکریه‌سی بو درجه محصور و محدود اولان ایران ، اوزمان کرکی کی روسیه وانکلترونک قوجاغنه آتیلمغه مجبور بولنه‌جقدر . ایران اموری حقنده اساساً (سازانوف) له (ادوارغری) بننده اوتهدنبری اتلاف قوی حاصل اولمش ، ایران مجلس ملیسنده کی فرقه منازعاتی هر ایکی دولتک آمال حریصانه‌لری تزییده خدمت ایتشدر . وقتیه بطش و شدته مالک اولان ایران عنعناتی ، مجد و عظمتی ، شوکت و احتشامی غائب ایتش ، اک صکره استقلالنی‌ده غائب ایتکه محکوم اولمشدر .

یوم نوبت می‌زند بر طاقم افراسیاب
برده‌داری می‌کنند بر قصر قیصر عنکبوت